

# HISTOIRE ADMIRABLE

59393

ARRIVE'E EN LA PERSONNE  
d'un Chirurgien, qui fut condamné  
par Justice il y a environ quatre  
mois , comme homicide de soy-  
mesme.



59393

A PARIS  
M. DC. XLIX.

1649


# HISTOIRE

ADAM RABE

ARRIVÉE EN LA VILLE DE  
LA CHAPELLE EN 1634  
ET LA MORT D'UN  
DE SES FILS EN 1635  
PAR  
M. DE LA CHAPELLE

A PARIS  
M. DE LA CHAPELLE

1634



*HISTOIRE ADMIRABLE  
arriuée en la personne d'un Chi-  
rurgien , qui fut condamné par  
Iustice il y a enuiron quatre mois,  
comme homicide de soy mesme.*

**D**IEU , dit le Prophete , est aussi admi-  
rable en ses Saincts qu'il est Sainct en  
ses actions , & iudicieux en sa conduite  
sur les hommes ; nous auons des preuues de  
cette verité infaillible dans toutes les histoires,  
où nous remarquons que ce n'est pas d'au-  
jourd'huy que le Ciel mesnage nos vies & nos  
fortunes d'une maniere qui nous est inconnüe,  
& mesme que nous ne deuons pas penetrer par  
respect. Mais l'histoire suiuite que ie vais ra-  
conter & qui s'est passée en cette Ville de Paris  
il y a enuiron quatre mois en fera foy. Vn hon-  
nestre homme , Chirurgien de son Art , nommé  
Jacques de la Cressonniere natif de Boiscom-

mun, auoit commencé sa fortune avec feu Monsieur de Bordeaux, au seruice duquel il auoit amassé quelque chose; de là en apres il s'engagea à celuy du feu Cheualier Garnier, qui est mort Gouverneur de Toulon, ville frontiere de France & de Sauoye, & vn port de mer d'importance; de sorte qu'il fut avec luy en Catalogne à la prise de Rose, & de là au siege d'Orbitello, à la prise de Portolongone & de Piombino, où moy mesme qui escriis avec larmes, & non sans estonnement, l'accident funeste de sa deplorable mort, l'ay veu mille fois & conuersé avec luy ciuillement & honnestement. Cét homme donc retourné de tous ces voyages, apres auoir rendus les derniers deuoirs à son bon Maistre, vint à Paris, où désjà dans quelques autres rencontres il auoit contracté affection avec quelque sage fille dans l'esperance d'un legitime mariage; & comme ses amis le iugeoient sur le point de s'engager dans les liens de Chymenée, le bruit courut que luy-mesme par vn desesperoir estrange se-  
 ftoit rendu esclau des Demons, & captif de la mort, laquelle fut approuuée de la iustice comme violentée, & pour ce son cadavre condamné d'estre priué de sepulture en Terre  
 sainte

5  
saincte. Or beaucoup alleguent plusieurs raisons de s'estre ainsi donné la mort : les vns disent, qu'ayant somme d'argent il l'auoit donnée à garder à vn Procureur, qui manquant de pratique durant cette guerre, auoit gagné les champs & volé la Cressonniere : les autres assurent qu'il s'est osté la vie pour auoir esté mal recompensé de son Maistre, comme il arriue assez souvent que les meilleurs seruices sont payez d'ingratitude : les autres enfin protestent que c'est l'amour qui a causé son auenglement & sa perte, & que cette meurtriere l'a couuert de playes & d'infamie, au lieu qu'elle comble les autres de ioye, de gloire, & de contentement. Mais ce qui est de plus estrange en cette histoire, c'est que les signes qui paroissent en sa personne font aucunement douter si sa mort est venue de luy ou d'autres. Je dis cecy sans offenser ny interesser personne, & le plus assuré c'est de laisser l'affaire au iugement de Dieu. Neantmoins l'on iuge par les accidens qu'il y a en ce rencontre quelque chose d'extraordinaire. En effet, quelle apparence qu'un corps enseuely depuis quatre mois parmy les immondices, les puanteurs, les charongnes, & les ossemens des animaux, ait en-

core la main palpable, la chair blanche, &  
 les nerfs avec mouuement, si ce n'est par per-  
 mission de Dieu, qui fait connoistre par ces  
 signes qu'il veut que l'on espluche l'affaire de  
 plus près, & que l'on en examine les circôstan-  
 ces. S'il est vray ce que plusieurs disent auoir  
 veu de leurs yeux que son bras soit eleué hors  
 de terre, & que sa main piquée d'une lancet-  
 te ait rendu du sang; sans doute ce sang de-  
 mande vengeance; & ce bras s'estend pour  
 chastier les coupables de sa mort. Ce n'est pas  
 d'aujourd'huy que la Iustice se trompe, qu'elle  
 rend des innocens criminels, & des crimi-  
 nels en fait des innocens. Saint Nicolas fit  
 miracle en la personne de trois Marchands  
 qui auoient esté condamnez au gibet iniuste-  
 ment; Et les Annales rapportent qu'un Preuost  
 de Paris fut obligé de faire dépendre de la po-  
 tence trois ieunes hommes de Ponthoïse qu'il  
 auoit fait mourir avec trop de precipitation,  
 les conduire la torche au poing iusques au lieu  
 de leur naissance, comme pour faire amende  
 honorable à leur innocence, & les faire inhu-  
 mer à ses despens. Enfin sans blâmer les Iuges  
 ils ont deuant les yeux un bandeau qui souuent  
 leur cache la verité d'une affaire, comme les

Medecins nous lassent mourir pour ne pas  
connoistre nos maladies. Et pour conclusion,  
bien que ce malheureux se soit donné la  
mort luy mesme, non pas la Iustice, le grand  
concoûrs de peuple neantmoins qui va en fou-  
le & avec empressement voir ce cadavre à de-  
my viuant, nous fait croire qu'il y a quelque  
chose de prodigieux, puis que la voix du peu-  
ple est celle du Ciel, & qu'elle passe pour des  
inspirations d'en-haut.

F I N.

